

sedem, seu faldistorium, in quo sedet, et si sit in suo monasterio, recipit omnes monachos suos ad manus, et oris osculum, qui tamen omnes prius ei reverentiam exhibeant. Si vero non sit de mitra, manet sedens in sede, seu faldistorio, cooperto capite a principio Hymni prædicti usque ad illius finem et recipit omnes monachos suos ad osculum, ut supra. Finito Hymno, Pontifex stans sine mitra, a dextris Abbatis cum mitra, si sit de mitra, alioquin cum bireto, sedentis, dicit super eum:

**V.** Confirma hoc Deus, quod operatus es in nobis.  
**R.** A templo sancto tuo, quod est in Jerúsalem.  
**V.** Salvum fac servum tuum Dómine.  
**R.** Deus meus sperántem in te.  
**V.** Esto ei Dómine turris fortitudinis. **R.** A fácie inimíci.  
**V.** Nihil proficiat inimícus in eo.  
**R.** Et filius iniquitátis non appónat nocére ei.  
**V.** Dómine exaúdi oratióem meam.  
**R.** Et clamor meus ad te véniat.  
**V.** Dóminus vobíscum. **R.** Et cum spíritu tuo.

Orémus.

**E**xáudi, Dómine, preces nostras, et super hunc fámulum tuum spíritum tuæ bene ✠ dictionis emítte: ut cœlesti múnere ditátus, et tuæ majestátis grátiam possit acquirere, et bene vivéndi áliis exéplum præbere. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus, per ómnia sœcula sœculórum. **R.** Amen.

His dictis, Pontifex, accepta mitra, vadit ad cornu Evangelii altaris, apud quem stant Assistentes cum mitris. Abbas vero, si sit de mitra, surgit cum mitra, et baculo Pastoralis, et accedens ante medium altaris, populo solemniter benedicit, dicens: **Sit nomen, etc.**

Postea accedit ad cornu Epistolæ altaris et ibidem cum mitra, et baculo genuflexus, versus ad Pontificem, dicit cantando:

• Ad multos annos.

Si vero non sit de mitra, ommissa benedictione, dicit: Ad multos annos, ut supra dictum est: quo dicto, Pontifex recipit eum surgentem ad osculum pacis. Idem faciunt Assistentes, qui deinde Abbatem, Evangelium sancti Joannis, in principio erat Verbum, etc. dicentem, inter se medium ad ejus capellam reducunt cum mitra, si ea utitur, et baculo pastorali incedentem. Pontifex vero pacis osculo, ut præmittitur, Abbati dato, dicit submissa voce:

Dóminus vobíscum.

Inítium sancti Evangelii secundum Joánnem. etc.

Signat altare, et se: et apud sedem, vel faldistorium deponit sacras vestes. Quibus depositis, Abbas Pontifici, et Assistentibus, pro more, gratias agit: et vadunt in pace omnes.



## DE BENEDICTIONE ABBATIS

Auctoritate Ordinarii.

**B**enedicendus Abbas, si non sit provisus a Sede apostolica, sed per Ordinarium suum, aut ejus auctoritate benedicitur, die statuto pro ejus benedictione, ordinantur omnia, quæ supra in benedictione Abbatis auctoritate apostolica posita sunt. Deinde Pontifex accipit omnia Pontificalia paramenta, et sedet cum mitra in faldistorio, ante medium altaris præparato. Electus vero in sua capella indutus amictu, alba, cingulo, stola, pluviali, ac sandaliis, si illis ex privilegio uti possit, et Missa legenda sit, ducitur medius inter duos Abbates assistentes, superpelliceo, stola, pluviali, et mitra indutus, si sint ad hoc privilegiati, coram Pontifice; cui facta reverentia debita, Electus prosternit se in terram ante medium altaris; et Pontifex, deposita mitra, surgit, et incipit, schola prosequente, Antiphonam:

**C**onfirma hoc Deus, quod operatus es in nobis, a templo sancto tuo quod est in Jerúsalem.

Qua finita, incipit, et dicit cum Assistentibus usque ad finem Psalmum sequentem; quo incepto, sedet cum mitra.

Psalmus 67.

**E**xsurgat Deus, et dissipentur inimici ejus: \* et fugiant qui odérunt eum, a fácie ejus.

Sicut déficit fumus, deficiant: \* sicut fluit cera a fácie ignis, sic péreant peccatóres a fácie Dei.

Et justí epuléntur, et exsúltent in conspéctu Dei: \* et delecténtur in lætítia.

Cantáte Deo, psalmum dícite nómini ejus: \* iter fácite ei, qui ascéndit super occásum: Dóminus nomen illi.

Exsultáte in conspéctu ejus, \* turbabúntur a fácie ejus: patris orphanórum, et júdicis viduárum.

Deus in loco sancto suo: \* Deus qui inhabitáre facit uníus moris in domo.

Qui educit vinctos in fortítudine, \* similiter eos, qui exásperant, qui hábitant in sepúlchris.

Deus cum egredereris in conspéctu pópuli tui: \* cum pertransires in desérto.

Terra mota est, étenim cœli di-

stillavérunt a fácie Dei Sínai, \* a fácie Dei Israél.

Plúviam voluntáriam segregábis Deus hæreditáti tuæ: \* et infirmáta est, tu vero perfecísti eam.

Animália tua habitábunt in ea: \* parásti in dulcédine tua paúperi Deus.

Dóminus dabit verbum evangelizántibus: \* virtúte multa.

Rex virtútum dilécti dilécti: \* et speciéi domus dividere spólia.

Si dormiátis inter médiis cælos, pennæ colúmbæ deargentátæ, \* et posterióra dorsi ejus in pallóre auri.

Dum discérnit cœlestis reges super eam, nive dealbabúntur in Selmon: \* mons Dei, mons pinguis.

Mons coagulátus, mons pinguis: \* ut quid suspicámini montes coagulátos?

Mons, in quo beneplácitum est Deo habitáre in eo: \* étenim Dóminus habitábit in finem.

Currus Dei decem millibus  
múltiplex, millia lætántium: \*  
Dóminus in eis in Sina in sancto.

Ascendísti in altum: cepísti ca-  
ptivitatẽ: \* accepísti dona in  
homínibus.

Etenim non credentes, \* inha-  
bitáre Dóminum Deum.

Benedíctus Dóminus die quo-  
tidie: \* prósp̄erum iter faciet no-  
bis Deus salutárium nostrórum.

Deus noster, Deus salvos fa-  
ciendi: \* et Dómini Dómini éxitus  
mortis.

Verúmtamen Deus confrínget  
cápita inimicórum suórum: \* vér-  
ticem capilli perambulántium in  
delictis suis.

Dixit Dóminus: Ex Basan con-  
vertam, \* convertam in profún-  
dum maris.

Ut intingátur pes tuus in sán-  
guine: \* lingua canum tuórum ex  
inimicis ab ipso.

Viderunt ingrèssus tuos Deus,  
\* ingrèssus Dei mei: Regis mei  
qui est in sancto.

Prævenérunt príncipes conjún-  
cti psalléntibus, \* in médio juven-  
culárum tympanistriárum.

In ecclésiis benedícite Deo Dó-  
mino, \* de fóntibus Israël.

Deinde repetitur Antiphona Confirma, etc. Tum deposita mitra surgit Pontifex, et stans versus ad Electum, dicit:

Ÿ. Salvum fac servum tuum Dómine.

R. Deus meus sperántem in te.

Ÿ. Mitte ei Dómine auxiliũ de sancto. R. Et de Sion tuere eum.

Ÿ. Memor esto congregatiónis tuæ. R. Quam possedísti ab inítio.

Ÿ. Dómine exaúdi oratióne meam.

R. Et clamor meus ad te véniat.

Ÿ. Dóminus vobíscum. R. Et cum spíritu tuo.

Orémus.

**O**mnipotens sempitérne Deus, qui facis mirabilia magna solus, prætènde super hunc fámulum tuum, et super congregatiónes

Ibi Bénjamin adolescèntulus, \*  
in mentis excèssu.

Príncipes Juda, duces eórum:  
\* príncipes Zábulon, príncipes  
Néphthali.

Manda Deus virtúti tuæ: \* con-  
firma hoc Deus, quod operátus es  
in nobis.

A templo tuo in Jerúsalem, \*  
tibi ófferent reges múnera.

Increpa feras arúndinis, con-  
gregatió taurórum in vaccis po-  
pulórum: \* ut excludant eos, qui  
probáti sunt argènto.

Díssipa Gentes, quæ bella vo-  
lunt: véniat legáti ex Ægýpto: \*  
Æthiopia præveniet manus ejus  
Deo.

Regna terræ cantáte Deo: \*  
psállite Dómino.

Psállite Deo, qui ascéndit su-  
per cœlum cœli: \* ad Orièntem.

Ecce dabit voci suæ vocem vir-  
tútis, date glóriam Deo super  
Israël, \* magnificèntia ejus, et  
virtus ejus in núbibus.

Mirábilis Deus in sanctis suis,  
Deus Israël ipse dabit virtútem,  
et fortitúdinem plebi suæ, \* bene-  
díctus Deus.

Glória Patri.

Sicut erat, etc.

illi commissas spírítum grátia salutáris; et, ut in veritatẽ tibi plá-  
ceat, perpétuum ei rorem benedictiõnis infúnde. Per Christum  
Dóminum nostrum. R. Amen.

Orémus.

**A**ctiões nostras, quæsumus Dómine, aspirándo præveni, et adju-  
vándo prosèquere; ut cuncta nostra orátio, et operátio a te  
semper incípiat, et per te cœpta finiátur. Per Christum Dóminum  
nostrum. R. Amen.

Deinde surgit Electus, et una cum Assistentibus coram Pontifice genuflectit; et prior Assistentium dicit Pontifici:

**A**dest, reverendíssime Pater, Eléctus monastérii N. quem ad vestram  
reverendíssimam Paternitatẽ ex parte conventus ejúsdem mo-  
nastérii dúximus præsentándum, humíliter postulánte a vobis, ut  
ipsum in Abbátem dicti monastérii dignèmini ordináre.

Tunc Pontifex interrogat eos, dicens:

Scitis illum esse dignum?

R. Scimus, et testificámur ipsum dignum esse.

Interrogatio.

Fuit ejus eléctio canónice, et concórditer celebráta? R. Fuit.

Pontifex dicit: Deo grátias.

Quo dicto, surgunt omnes, et sedent in suis scabellis, et Pontifex prose-  
quitur examen, dicens: Antíqua sanctórum Patrũ, etc. et omnia alia fiunt,  
prout supra, pag. 60. in benedictione Abbatis auctoritate Apostolica posita sunt.

Finito examine, et manu Pontificis per Electum osculata, idem Electus ante  
Pontificem genuflexus, coram se tenens schedulam scriptam, et suo pendentem  
sigillo sigillatam, debita fidelitatis juramentum Pontifici, Ordinario suo, præstat  
in hunc modum:

**E**go N. monastérii N. ordinándus Abbas promitto coram Deo, et  
Sanctis ejus, et hac solènni fratrum congregatióne, fidelitatẽ,  
dignámque subjectionẽ, obedièntiam, et reverèntiam matri meæ  
Ecclésiæ N. nominando Ecclesiam cujus jurisdictioni ordinariæ  
subjectus existit, tibi que N. Dómino meo, ejúsdem Ecclésiæ Pa-  
triárchæ, vel Archiepiscopo, aut Episcopo, et successoribus tuis,  
secúndum sacrórum Cánonum institúta, et prout præcipit inviolá-  
bilis auctoritas Pontificum Romanórum.

Deinde librum Evangeliorum, quem Pontifex super genua sua tenet aper-  
tum, inferiori parte ejúsdem libri Electo versa, quem ipse Electus, ambabus  
manibus supra scripturam positus, tangit, dicens:

Sic me Deus ádjuvet, et hæc sancta Dei Evangélia.

Tum schedulam ipsam Pontifici tradit; qui illa recepta et mitra deposita,  
surgit, et facit Confessionem, et proceditur in omnibus, et per omnia prout  
supra ordinatum est. pag. 62.



## DE BENEDICTIONE ABBATISSÆ.

**E**lecta in Abbatissam, et confirmata, benedici debet in die Dominico, vel aliis, quibus consecrantur Virgines, si non est prius consecrata, et velata; alioquin fieri potest qualibet die, hoc modo. Pontifex paratus omnibus Pontificalibus ornamentis apud altare majus paratum cum sua credentia, et rebus consuetis procedit in Missa usque ad Allelúja, si dicitur; sive ultimum Versum Tractus, vel Sequentiæ exclusive. Interim Electa in veste sua audiat Missam in choro quæ dici debet de die, cum Collecta pro Electa, sub uno *Per Dóminum*, ut infra, per Pontificem celebrantem.

### Oratio.

**D**a, quæsumus, Dómine, huic fámulæ tuæ, quam virginitatis honóre dignátus es decoráre, inchoátí óperis consummátum efféctum, et ut perféctam tibi offerat plenitúdinem, inítia sua perdúcere mereátur ad finem. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sæcula sæculórum.

*R.* Amen.

Dicto Graduali, seu Tractu, vel Sequentia, usque ad ultimum Versum exclusive, Pontifex accedit ad faldistorium ante medium altaris, et ibi sedet cum mitra. Electa vero e monasterio egressa, associata a duabus matronis senioribus, ac velo ante faciem demisso: Pontifici præsentata, coram eo genuflexa, in manibus habens schedulam scriptam, et suo pendenti sigillo sigillatam, debitæ fidelitatis juramentum præstat Pontifici, suo ordinario, in hunc modum:

**E**go *N.* monastérii *N.* ordinánda Abbatissa promitto coram Deo, et Sanctis ejus, et hac solémni sorórum congregatióne, fidelitátem, dignámque subjectionem, obediéntiam, et reveréntiam, matri meæ Ecclesiæ *N.* nominando Ecclesiam, cujus jurisdictioni ordinariæ subjecta existit, tibi que *N.* Dómino meo, ejúsdem Ecclesiæ Patriárchæ, vel Archiepiscopo, aut Episcopo, et successoribus tuis, secúndum sacrórum Cánonum institúta, et prout præcipit inviolábilis auctóritas Pontificum Romanórum.

Si vero fuerit exempta, ita præstabit juramentum:

Ego *N.* monastérii *N.* ordinis Sancti *N.* diocesis *N.* ab hac hora in ántea, fidélis, et obédiens ero beáto Petro Apóstolo, sanctæque Románæ Ecclesiæ, et Dómino nostro Dómino *N.* Papæ *N.* suisque successoribus canónice intrántibus, et tibi, vel pro témpore existénti meæ religiónis Superióri, secúndum régulam sancti Patris nostri *N.* et prædicti Ordinis constitutiónes.

Deinde librum Evangeliorum, quem Pontifex super genua sua tenet apertum, inferiori parte ejusdem libri Electæ versa, quem ipsa Electa, ambabus manibus supra scripturam positis, tangit, dicens:

Sic me Deus ádjuvet, et hæc sancta Dei Evangélia.

Tum schedulam ipsam Pontifici tradit, qui surgit cum mitra, et super faldistorium procumbit. Electa vero prosternit se super tapete ad ejus sinistram; et chorus dicat Litanias prout supra, pag. 18. in quibus cum dictum fuerit:

Ut ómnibus fidélibus etc.

*R.* Te rogámus audi nos.

Pontifex surgit cum mitra, et baculum pastoralem in sinistra tenens, versus ad Electam dicit:

Ut hanc præsentem Eléctam bene ✠ dicere dignéris.

*R.* Te rogámus audi nos.

Deinde dicit:

Ut hanc præsentem Eléctam bene ✠ dicere, et sancti ✠ ficáre dignéris.

*R.* Te rogámus audi nos.

Tum iterum procumbit, et perficiuntur Litanie; quibus finitis, surgit Pontifex, Electa adhuc prostrata manente; et stans versus ad illam, deposita mitra, dicit:

Pater noster, etc.

✠. Et ne nos indúcas in tentatióne. *R.* Sed líbera nos a malo.

✠. Salvam fac ancíllam tuam Dómine.

*R.* Deus meus sperántem in te.

✠. Mitte ei Dómine auxiliúm de sancto. *R.* Et de Sion tuére eam.

✠. Hæc accípiet benedictióne a Dómino.

*R.* Et misericórdiam a Deo salutári suo.

✠. Memor esto congregatiónis tuæ. *R.* Quam possedísti ab inítio.

✠. Dóminus custódiat intróitum tuum, et éxitum tuum.

*R.* Ex hoc nunc, et usque in sæculum.

✠. Dóminus custódiat te ab omni malo.

*R.* Custódiat ánimam tuam Dóminus.

✠. Dómine Deus virtútum convérte nos.

*R.* Et osténde faciém tuam et salvi érimus.

✠. Dómine exaúdi oratióne meam.

*R.* Et clamor meus ad te véniat.

✠. Dóminus vobíscum. *R.* Et cum spírítu tuo.

Orémus.

**C**oncède, quæsumus omnipotens Deus, affectui nostro tuæ miserationis effectum: et hanc famulam tuam, quam ad regimen animarum eligimus, gratiæ tuæ dono proséquere: ut, te largiente, cum ipsa tibi nostra electiōne placeamus. Per Christum Dōminum nostrum. *R.* Amen.

Orémus.

**C**unctōrum bonōrum institutor Deus, qui per Mōysen famulum tuum, ad gubernandas Ecclesiās præpositos instituisti, tibi supplices fundimus preces, teque devotis mentibus exoramus; ut hanc famulam tuam, quam commūnis electio famulārum tuārum Abbatissam ovium tuārum esse constituit, protectionis tuæ gratia munire digneris; sicque regere subditas, commendatasque oves concedas, ut cum illis omnibus regna cœlorum adipiscatur; quatenus te Dōmine opitulante, apostolicis jūgiter fulta doctrinis, centesimo cum fructu læta intrōeat portas paradisi, atque a te, Dōmine, collaudante audire mereatur: Euge serve bone, et fidelis, quia in pauca fuisti fidelis, super multa te constituam, intra in gaudium Dōmini tui. Quod ipse præstare digneris, qui vivis et regnas Deus:

*His dictis, Electa surgit, et ante Pontificem genuflectit, qui prosequitur, manus ante pectus extensas tenens, dicens:*

*Per omnia sæcula sæculōrum. R.* Amen.

*V. Dōminus vobiscum. R.* Et cum spiritu tuo.

*V. Sursum corda. R.* Habemus ad Dōminum.

*V. Grátias agamus Dōmino Deo nostro. R.* Dignum et justum est.

**V**ere dignum et justum est, æquum et salutāre, nos tibi semper et ubique grátias agere: Dōmine sancte, Pater omnipotens, æternæ Deus, affluentem spiritum tuæ bene ✠ dictionis super hanc famulam tuam, nobis orantibus, propitius infunde.

*Pontifex imponit ambas manus extensas, digitis tamen non disjunctis, super caput Electæ; et eas sic tenet prosequendo:*

*Ut quæ per nostræ manus impositionem hodie Abbatissa constituitur, sanctifi ✠ catione tua digna, a te electa permāneat; et nunquam postmodum a tua gratia separatur indigna.*

*Pontifex amovet manus de capite Electæ, prosequens ante pectus eas extensas tenens:*

*Suscipiat, te Dōmine largiente, hodie in bono opere perseverantiam, in adversis constantiam, in tribulationibus tolerantiam, in jejuniis desiderium, in impietatibus misericordiam, in humilitate principatum, in superbia odium, in fide dilectionem, in doctrina pervigilantiam, in castitate continentiam, in luxuria abstinentiam, in varietatibus moderationem, in moribus doctrinam. Te auxiliante, Dōmine, talis in hoc ministerio perseveret, qualis Levita electus ab Apóstolis sanctus Stéphanus meruit perdurare. Totam ab hac die*

mundanam conversationem despiciat; tua Dōmine bene ✠ dictione largiente, contemnat presentia, diligat cœlestia, desideret sempiterna. Sit exemplum et forma justitiæ, ad gubernandam regendamque Ecclesiam tuam fideliter; ut speculatrix idonea inter suas collégas semper efficiatur. Sit magni consilii, industria censuræ, et efficacia disciplinæ. Ita, te Dōmine tribuente, in omnibus mandatis tuis sine reprehensione tibi mundo corde serviens, ut ad braviū supernæ vocatiōnis, multiplicato fœnore, cum centesimo fructu, coronaque justitiæ, ad cœlestium thesaurorum dona tua perveniat.

*Quod sequitur dicit submissa voce, ita tamen, quod a circumstantibus audiatur.*

*Præstante Dōmino nostro Jesu Christo, qui cum Patre, et Spiritu sancto vivit et regnat in sæcula sæculōrum. R.* Amen.

*Tum Pontifex adhuc sine mitra, ut supra, stans dicit:*

Orémus.

**D**eus, cui omnis potestas, et dignitas famulatur, da huic famulæ tuæ prosperum suæ dignitatis effectum, in qua semper te timeat, tibi que jūgiter placere contēdat. Per Christum Dōminum nostrum. *R.* Amen.

Orémus.

**O**mniū, Dōmine, fons bonōrum, justorūque provectuum munerator, tribue quæsumus huic famulæ tuæ adeptam bene gerere dignitatem, et a te sibi præstitam bonis operibus comprobare. Per Christum Dōminum nostrum. *R.* Amen.

Orémus.

**C**oncède, quæsumus, omnipotens Deus, famulæ tuæ, ut ostendendo, et exercendo quæ recta sunt, per exemplum bonōrum operum animas suarū instruat subjectarū: et æternæ remuneratiōnis mercedem a te piissimo Pastore percipiat. Per Christum Dōminum nostrum. *R.* Amen.

Orémus.

**D**ōmine Deus omnipotens, qui sororem Mōysi Mariam, præeuntem cum ceteris mulieribus, inter æquoreas undas cum tympanis et choris, lætam ad littus maris venire fecisti, te supplices deprecamur, pro hac fideli famula tua, quæ hodie super universas sibi subditas Abbatissa constituitur; ut ita monastica, vel canonica norma tueatur cunctas famulas tuas sibi commissas, quatenus ad æternam gloriā, te auxiliante, cum omnibus illis intrōeat læta, ibique exsultans cum Angelis, canens cantica nova sequatur Agnum quocūque ierit, Jesum Christum Dōminum nostrum: Qui tecum vivit et regnat in unitate Spiritus sancti Deus, per omnia sæcula sæculōrum. *R.* Amen.

Tum sedet Pontifex, accepta mitra, et tradit Abbatissæ, coram se genuflexæ, in manibus regulam, dicens:

**A**ccipe regulam a sanctis Pátribus tráditam, ad regéndum, custodiéndumque gregem tibi a Deo commissum, quantum Deus ipse te confortáverit, et fragilitas humana permiserit. Accipe gregis Domínici matérnam providéntiam, et animárum procuratióem; et per divínæ legis incedéndo præcépta, sis ei dux ad cœlestis hæreditatis páscoa, adjuvante Dómino nostro Jesu Christo, qui cum Patre, et Spíritu sancto vivit et regnat Deus in sæcula sæculórum. **R.** Amen.

Deinde, si prius, dum erat monialis, non fuit velata, Pontifex, deposita mitra, surgit, et benedicit velum, quod per unum ex ministris coram eo tenetur, dicens: **S**uppliciter te, Dómine, rogámus, ut super hanc vestem ancillæ tuæ cápiti imponéndam, bene ✠ dictio tua benigna descendat; et sit vestis hæc benedicta, consecráta, immaculáta et sancta. Per Christum Dóminum nostrum. **R.** Amen.

Orémus.

**C**aput ómnium fidélium, Deus, et totius córporis salvátor, hoc operiméntum veláminis, quod fámula tua propter tuum, tuæque Genitricis beatíssimæ Vírginis Mariæ amórem suo cápiti est impositúra, dextera tua sancti ✠ fica; et hoc, quod per illud mýstice datur intélligi, tua semper custódia, córpore páriter, et ánimo incontamináto custódiat; ut, quando ad perpétuam Sanctórum remuneratióem vénerit, cum prudéntibus et ipsa vírginibus præparáta, te perducénte, ad sempitérnæ felicitátis nuptias introíre mereátur: Qui vivis et regnas Deus, per ómnia sæcula sæculórum. **R.** Amen.

Deinde aspergit velum ipsum aqua benedicta; tum sedens, accepta mitra, imponit illud super caput Abbatissæ, ita ut dependeat super scapulas, et ante pectus, et usque ad oculos, sic dicens:

**A**ccipe velámen sacrum, quo cognoscáris mundum contempsisse, et te Christo Jesu veráciter humilitérque, toto cordis annísu, sponsam perpetuáliter subdidisse, qui te ab omni malo deféndat, et ad vitam perdúcat ætérnam. **R.** Amen.

Si vero Abbatissa prius velata fuit, omittuntur prædicta. His finitis, surgunt omnes, et Pontifex procedit in Missa, quam Abbatissa in loco ad partem audit. Incepto a Choro Offertorio, et per Pontificem lecto, sedet Pontifex in faldistorio ante medium altaris, accepta mitra; et Abbatissa, præcedentibus eam duobus famulis duo intortitia accensa portantibus, venit de loco suo, associata a duabus matronis, et coram Pontifice genuflectit, ac ei successive dicta duo intortitia offert, et Pontificis ea recipientis manus osculatur; tum ad locum suum revertitur.

Pontifex vero manus lavat, surgit, deposita mitra, et Missam prosequitur.

Secreta.

**O**blátis hóstiis, quæsumus Dómine, præsentí fámulæ tuæ perseverántiam perpétuæ virginitátis accómmoda: ut apértis jánuis, summi Regis advéntu, regnum cœléste cum lætítia mereátur in-

tráre. Per Dóminum nostrum Jesum Christum Fílium tuum: Qui tecum vivit et regnat in unitáte etc. **R.** Amen.

Postquam Pontifex se communicaverit, Abbatissam communicet. Tum, accepta mitra, lavet manus, deinde prosequitur Missam usque ad benedictionem exclusive.

Postcommunio.

**R**éspice, Dómine, fámulæ tuæ tibi débitam servitútem: ut inter humana fragilitátis incérta nullis adversitatibus opprimátur, quæ de tua protectióe confidit. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus per ómnia sæcula sæculórum. **R.** Amen.

Dicto, Ite Missa est, vel Benedicámus Dómino, et Pláceat etc. Pontifex cum mitra inthronizat Abbatissam in sede, et si sit in proprio Monasterio, dicit:

**A**ccipe plenam et liberam potestátem regéndo hoc Monastérium, et Congregatióem ejus, et ómnia quæ ad illius régimen intérius et extérius spirituáliter et temporaliter pertinére noscúntur.

Si vero benedictio fit extra Monasterium suum, Pontifex dicit:

**S**ta in justítia et sanctitáte, et tene locum a Deo tibi delegátum: potens est enim Deus, ut aúgeat tibi grátiam suam.

Tunc Pontifex stans a dexteris Abbatissæ, versus ad altare, mitra deposita, incipit cantando, schola prosequente, Hymnum:

Te Deum laudámus. pag. 50.

Et dicitur totus: et Pontifex manet sine mitra apud sedem usque ad finem hymni. Interim dum cantatur hymnus, Abbatissa revertitur ad Monasterium, associata, ut supra, et a Monialibus senioribus excipitur intra portam, atque ad chorum perducitur; ubi Moniales omnes faciunt ei reverentiám, singulariter genuflexæ ante illam, et recipiuntur ab ea benigne ad osculum. Finito hymno, Pontifex stans sine mitra, sedente Abbatissa in sede sua in choro, super eam dicit:

**V.** Confirma hoc Deus, quod operátus es in nobis.

**R.** A templo sancto tuo, quod est in Jerúsalem.

**V.** Salvam fac ancillam tuam Dómine.

**R.** Deus meus sperántem in te.

**V.** Esto ei Dómine turris fortitúdinis. **R.** A fácie inimíci.

**V.** Nihil proficiat inimícus in ea.

**R.** Et fílius iniquitátis non appónat nocére ei.

**V.** Dómine exaúdi oratióem meam.

**R.** Et clamor meus ad te véniat.

**V.** Dóminus vobíscum. **R.** Et cum spíritu tuo.

Orémus.

**F**ámulam tuam, Dómine, custódia múniat pietátis: ut virginitátis sanctæ propósitum, quod, te inspiránte, suscepit, te protegénte, illæsum custódiat. Per Christum Dóminum nostrum. **R.** Amen.

Deinde Pontifex, assumpta mitra, benedicit solemniter populo, dicens:

Sit nomen Dómini etc.

Et benedictione data, vadunt omnes in pace.